



UNIVERSITÄTS-
BIBLIOTHEK
PADERBORN

**Ivsti Baronii Veteracastrensis SS. Th. Et I. V. D.
III[ustrissi]mo Arch[iepisco]po Moguntino à Consilijs.
Epistolarvm Sacrarvm Ad Pontificem Max. Et Amplissimos
Cardinales &c. Libri VI**

Baronius, Justus

Mogvntiae, 1605

Epistola XIII. Ivstvs Baronivs Veteracastrensis Davidi Pareo, Acad. Heid.
Professori S.

[urn:nbn:de:hbz:466:1-70614](https://nbn-resolving.org/urn:nbn:de:hbz:466:1-70614)

Pontificiam Romanam deprehendemus. Ut iam consequens esse ipse agnoscas, huic vni & soli veritatis palmā deferendam, huic vni & soli fidē nomenque dandum, cuiuscunque etiam *Catilinæ* aut *Cethegi* hactenus partes contra patriam secutus fueris. Spero dixisse me, quæ si non tollendæ, saltem mitigandæ bili vestræ sufficiant. Plura si desideratis, faxo suo tempore. Nunc id vnum volui, sciretis quæ me terra haberet, quoq; iter familia ad me dirigeret. Hanc ne longiori mora suspendatis, oro. Vale, & cum domo tua meaque salue. Moguntia 6. Idus Iunij. M. DCI.

EPISTOLA XIII.

IVSTVS BARONIVS VETERACASTRENSIS

DAVIDI PAREO, ACAD. HEID.

Professori S.

Pleniorē
Pareana
Epistola
confutatio-
nem, vide
Epist. proxi-
mē sequenti
XIV.

LITTERAS tuas optimo animo, sed maximo errore scriptas, *Clariss^e. PAREE*, hoc ipso vespere sub cœnam accepi pariter ac legi, sed sine omni mentis de sancto proposito dimotione. Illis vt respondeam, necessitas quidem & præter conscientiam nominis & famæ ratio postulare videtur. Huiusmodi enim me maculis conspurcas, vt nisi me probè purgem, meam ipse famam flagitiosè

tiosè prostituere videar. Sed vt cuncter, iu-
 stus periculi metus facit. Cauete mihi &
 meis de non iniicienda remora, habebitis
 breui integram & fusam causæ meæ defen-
 sionem: in qua non hoc agam, quod vobis
 propositum esse video, vt persona personā
 lacessat, aut inania cōuitia aërem verberēt,
 mentesq; exasperent, sed vt causa cū causa,
 ratio cum ratione decertet. Literæ sanè tuæ
 magnum verborum apparatus habent, &
 multa de *Babylone*, de *Aegyptijs ollis*, de *An-*
tichristo & eius iugo ingeminant, sed nihil
 probant, eaque vt controuersissima, ita à
 vestra parte infirmis coniecturis, seu
 vt veri⁹ dicam, calumnijs innixa sunt. Pro-
 bare illa, non præsupponere oportebat, &
 postea probatis reprehensionem facti mei
 superstruere. Sed enutrito nimirum in fide
Caluiniana satis ista probata credebas. E-
 quidem erant quondam specie quadam ve-
 ri instillata. Sed qui diligentius ista maturi-
 ori ætate ponderaui, *Sacrosanctæ Antiquita-*
tis iudicio temperaui, vana & commentitia
 instabilium ingeniorum figmenta esse de-
 prehendi. Quæso discite vos tandem hono-
 rem aliquem habere patribus vestris, clarif-
 simis Ecclesiæ luminibus, nec putate Spiri-
 tum Domini ab illis in vos solos recessisse.
 Ecce ego fidenter assero, totam vobis *anti-*
quitatem à primo statim patre ad vltimum

vsque (quorum quidem scripta ad manus nostras peruenerunt) non in vno aliquo, sed in omnibus, quos ab *Romana* Ecclesia diuersos habetis, articulis aduersari: vestra etiam fide hodie non minus *Orientalibus* quàm *Occidentalibus* Ecclesijs damnatam esse, lectione cognoui. Aut ergo asserite vos solos à vite precisos errare, quod probabilius est, aut totam Christi Ecclesiam non in hac tantum mundi senectâ, sed ab initio quoque in errore versatam, & quia *Romane* Ecclesie instituta examussim sequitur, *Characterem Antichristi* in primo statim ouo, vt ita loquar, accepisse, ac propterea perijsse. Quæ tanta blasphemia est, vt nulla maior esse possit. Sed inhibeo manum. Leo Palatinus vnguem ostentat. Mittite ad me pri^{or} vxorem cū liberis & suppellectile, aut de securitate caueate, habebitis à me literas rationum plenas, nec modestiæ inanes. Interea non est quod metuatis, ne religiosorum aut Monachorum ordini accedam, ne vxore pro concubina abutar. Prôh dedecus, vnde hæc vox vobis in mentē? Omnesne Catholici sacerdotes? omnesne sacerdotes concubinarij? longè aliud meum propositum est. Iuri animum adieci, eique studio absoluendo honestum Pontifex stipendium addixit. Itaque reddite mihi familiam; politicum & ciuile mecum vitæ genus ducent.

a. August. in
Esa. cont.
partē Don.

ducent. Conscientiæ vxoris iam ante sæpe & satis cautum est, & adhuc à me religiose cauetur. Deus illam restituat, & spiritu consolationis roboret, quo necessarium mecū fortitet exilium ferat.

Quod tam horrendis me vocibus incessis, *Apostata, profugi, veteratoris contra conscientiam agentis*, tanè inique molesteq; ferro. Quid enim? putas ne me tam prodigum esse salutis meæ, vt cum summo discrimine & offensione acerbissima charissimorum conscientiam læsurus, & reclamante animo in exilium transiturus sim? GALEAZIVS vester *Caracciolus*, cuius ipsi vitam *Heidelbergæ* impressistis, cum *Caluinismum* amplexatus clam domo aufugeret, & *Geneuam* veniens priore vxore abdicata aliam superinduceret, nunquid ipse profugus, veterator, *Apostata*, desertor erat? nunquid contra conscientiam agebat? non ais, quia ad meliores transibat partes. Idem iuris mihi tribue, qui meliora & mitiora, vt res ipsa clamat. *Apostasiam* nullam agnosco, nisi qualem *Paulus* fecit à *Iudeis*, & *Augustinus* à *Manichæis*: quos in more habuisse testatur, vt si quis illorum retia rupisset, & *Catholicæ* vnitati accessisset, quamprimum de illo clamarent, ^b *Lumen per illum transitum fecit*. Sed memineris charissime compater, quod *Cyprianus* simili in casu respōdit, cum

vnita-

b August.
de Verit. cred.
cap. 1.

*e Op. de
not. Eccl.
cap. 9
d. l. idem
e l. idem
cap. 4*

ibid. c. 5.

unitatem Ecclesiæ contra *Novatianos* asse-
reret: Non nos ab illis, sed illi à nobis recesserunt. Illi enim ^d diversa sibi *conuenticula* sta-
tuerunt, illi *veritatis caput atq; originem* re-
liquerunt, ^e *Cathedram Petri, super quam fun-*
data est Ecclesia. Eodem modo si vos unita-
tem Ecclesiæ, quæ teste eodem *Cypriano,*
^f *Adulterari non potest,* multo minus in *Anti-*
christianismum degenerare, firmiter & cō-
stanter tenuissetis, nec cum *Luthero & Cal-*
uino Apostatæ facti essetis, non mihi iam
vestrum crimen exprobraretis. Plura festi-
natio tabellarij non sinit. Valete igitur, &
familiam vobis cōmendatam habete. Ra-
ptim Mogunt. 16. Cal. Iulij. M. D. C. I.

EPISTOLA XIV.

IUSTVS BARONIVS VETERA-
cantrensis

HENRICO CALVINO PATRI,
Henrico Bellano Socero, ceterisq; suis in
Palatinatu Necessarijs, Collegis
& amicis.

Illuminantem Dei gratiam.

*Apologia
primati ad
parentes &
necessarios*

ET literis multorum, & sermone omni-
um perfertur ad me, CHARISSIMI, in-
credibilem esse animi vestri grauitate adhuc
in me accensi perturbationem atque iram,
incredibilem totius ciuitatis motum, adeò

vt &